



30. december 2008

Inatsisartut Forretningsorden-iani § 36 imm. 1 tunngavigalugu Naalakkersuisunut apeqquteqaatit makkua apeqquteqaatiginiarpakka:

Nunaqarfinni, Innaarsuit, Tasiusaq, Naajaat, Nutaarmiut, Nuussuaq kiisalu Kullorsuaq oqarasuaatitigut attaveqaateqannginneq pillugu Naalakkersuisunut apeqquteqaat.

(Inatsisartunut ilaasortaq Jens B. Frederiksen, demokraatit)

Nunaqarfinni Innaarsunni, Tasiusami, Naajaani, Nutaarmiuni, Nuussuarmi kiisalu Kullorsuarni piffissami 13. december-imiit 25. decemberip tungaanut oqarasuaatikkut attaveqanngilaq. Kiisalu Nuussuarmi Kullorsuarmilu qarasaasiat attaveqaataat ASDL aamma atorsinnaasimangilaq.

Tassa allatut oqaatigalugu innuttaasut nunaqarfinni taakkunani najugaqartut ulluni aqqaneq marlunni avammut attaveqarsinnaasimangillat Demokraatillu isumaat naapertorlugu tamanna sivisuallaqaaq.

Taamaattumik Demokraatit Naalakkersuisunut makkunanga apeqquteqaateqarniarput:

1. Sooruna ullut aqqaneq-marluk qaangiummata nunaqarfiit pineqartut aatsaat avammut attaveqaqqissinnaalersimasut? Naalakkersuisut matumuuna qinnuvigineqarput siuliap tamatuma taama kigaalaarunneqartigisimaneranut suna pissutaasimanersoq nassuiaqqullugu.

2. Naalakkersuisut isumaqarpat nunaqarfinni taakkunani oqarasuaatitigut attaveqaatit ullut aqqaneq marluk qaangiutereermata aatsaat iluarsivigineqarnerat Naalakkersuisut naammaginartutut isigigaat?

2.a. Tamanna naammaginartutut isigineqanngippat; siunissami taamatut pisoqartarnissaa pinaveersaarniarlugu Naalakkersuisut sunik suliniuteqarniarlutik pilersaaruteqarpat?

3. Naalakkersuisut takusinnaanerlugu taamatut attaveeruteqqanerup nalaani inunnik naviarnartorsiornermik nalaataqartoqarsimanersoq? Apeqqutip matumama akissuteqarfigineqarneranut atatillugu Naalakkersuisut qinnuvigineqassapput tamatuma attaveerunnerup assigisaanik pisoqartillugu najugaqarfinni taamaattuni sillimaniarnikkut inissisimanernut arlaatigut kinguneqartumik pisoqarsimanersoq.

Apeqquteqaatinut makkununga Naalakkersuisut akissuteqarnissaanni silap pissusaa utoqqatsissutigineqarnissaa Demokraatinit kissaatigineqanngilaq. Piffissap



DEMOKRAATIT
DEMOKRATERNE

attaveeruffiusup nalaani silarlussimanera paasilluarparput, kisiannili ulluni aqqaneq-marlunni timmisartornissaq ajornarluinnarsimanngilaq, tassa nunaqarfiit Innaarsuit, Tasiusaq, Naajaat, Nutaarmiut, Nuussuaq kiisalu Kullorsuaq oqarasuaatitigut attaveqannginnerisa nalaanni.

Nalaalkersuisut qinnuvigineqarput apeqquteqaatit ullut suliffiusut qulit qaabgiut-sinnagit akissuteqaqqullugit.